

Число 3.

Ужгород, 1. марта 1925.

Рочник V.

БІЛДОВЕСТНИК

Да бсій
єдінно
бвдьти

Ів. 31, ка.



Первое и единственное
дружественно подпрѣмство

„СОЛ”

свѣчкарня и воскарня в Космбносах заложено и ведено духовенством и овдями, допоручуе своѣ перворяднѣ выробы, церковнѣ свѣчки, каждого другу, восковѣ, половосковѣ, крашенѣ и луксусно здобенѣ, якож и столнѣ свѣчки всього другу, мыдло на праня и тоалетное, крим на обув, воск и крим на чищеня паркету. От духовенства купуеме пчолячій воск, отпадки из свѣчок, или вымѣняеме за свѣчки. Всому превелѣбному духовенству, сл. патронатным урядам, господарским дружествам, и всѣм католицким сполкам до ласкавоѣ вѣдомости под гѣслом:

„СВОЙ К СВОЙОМУ!”

JOSEF NEŠKUDLA
NOVÝ HRADEC KRÁLOVÉ Čs. R.

Посылае скоро за половину цѣну: Ризы,
стихары и всѣ потребнѣ одежи для гр. каѳ.
литургіи, заставы, иконы од акад. худож-
ников, чаши, олтарнѣ свѣчники, лстры,
кресты, одежи и проч. найдешевше.

— Коло новых обеднаньях скоро задарьмо поправлю старѣ одежи. —

появилася
НАУКА О ВѢРѢ.

Для уживанія школьн. молодежи и подк.-руського народа.

Ся книжка есть перша самостойна догматика на русскомъ языцѣ на Подкарп. Русї. Содержить въ собѣ толкованія всѣхъ членовъ нашого вѣроисповѣданія; написана ЛЕГКИМ, ПОНЯТИМЪ, НАРОДНЫМЪ языкомъ

Научает нашу молодежь и нашъ народъ на точное и основное познаніе вѣры своеї, подае доказы правдивости нашої гр.-каѳ. вѣры, головно противъ нападовъ схизматиковъ. Каждый, кто перечитает всю книгу, укрепляется въ вѣрности и въ любви къ своей вѣрѣ.

Авторъ сеѧ книжки есть о. ЕМИЛІЯНЪ БОКЩАЙ
редакторъ Благовѣстника, кто своимъ перомъ такъ успѣшно воюе про-
тивъ лжеученій еретиковъ и на столбахъ Благовѣстника освѣдомляе для
обороны вѣры подкарпатскихъ русиновъ.

Цѣна книги 12 КЧ. — можно достати въ РЕДАКЦИИ
БЛАГОВѢСТИКА, Ужгородъ, Капит. ул. 10. Подк. Русь ČSR.
На порто прослие заслати 30 гел.

ДЛЯ ПОДКАРПАТСКИХ РУСИНОВ

А Д Р Е С :

Редакція: Kapitulska ulica 10.

Администрація:
Uzhgorod, Duchnovičova č. 12.

ПРЕДПЛАТА:

на рок 10.— К
одно число 1.— К
За границю 20.— К
До Америки..... 1 Д.

О В Я В Л Е Н Я

принимаются по цѣнѣ
за 1 сторону .. 200 К
за 1/2 стороны .. 120 К
за 1/4 стороны.. 65 К

ПОСТЬ.

Зближається св. великий постъ, часъ Божоѣ благодати, часъ покаянія, час спасенія. Добре буде послухати науку св. Василія великого о постѣ, яку близко 1600 лѣтъ тому выголосивъ онъ до своихъ вѣрниковъ. Послухай брате и сестро, чимъ має быти постъ для крещеныхъ и якъ его христіяне повиннѣ пересвести.

1. Постъ — каже св. Василій — приносить душѣ великій хосенъ. Тѣшься, что небесный лѣкарь подае тобѣ спасенное лѣкарство, которое проганяе зъ твого серця грѣхъ. Бо якъ горкѣ лѣкарства проганяютъ хробаки (глисти) зъ внутренности дѣтины, такъ постъ, коли чоловѣкъ ему поправдѣ отдаesя, убивае глубоко въ серцю укрытѣ грѣхи.

Постъ жереломъ силы, роз'яснюе розумъ, хоронить душу передъ лукавствомъ; постъ безпечнымъ товаришемъ тѣла, оружіемъ въ борбѣ. Постъ проганяе покусы, подтримуе побожность, товаришишь тверезости, родить чистоту. Въ борьбѣ додае одваги, въ часы мира справляе повный спокой. Постъ освячуе особу Богу отдану, а усовершує священика.

Постъ несе молитву до неба, онъ дае єй крыла, чтобы могла вознестиша передъ Божій престоль. Постъ умножуе родины, е матерію здоровля, выховуе молодежь, прикрасою старцовъ, товаришишь въ подорожи, певнимъ дорадникомъ для тихъ, котрѣ спольно живуть.

Вода теперъ тобѣ не смакуе, тебе тягне до горячихъ напойовъ, але уважай, чтобысь колись якъ богачъ не просивъ о капку водицѣ. Водою никто не упився; отъ воды нѣкому голова не крутилася и власнѣ ноги выстарчали такому, кто пивъ воду.

Хочешь, чтобы душа была сильною, такъ покоряй тѣло постомъ. Постъ е оружіемъ въ борбѣ зъ злыми духами.

2. Та не думай, что ты добре постишь тогды, якъ ты повздержуешся отъ ъды и напою. Правдивый постъ е тогды, коли ты здержуешся отъ злого. Прости ближньому обиду, забудь на образу. Ты стримуешся отъ мяса, але кусаешъ языкомъ свого

брата. Ты не пьешь вина ци горѣвки, але не держишъ языка. Чекаешь зъ ъдою ажъ до вечера, а въ день правишся зъ сусѣдомъ. Гнѣвъ упоюе душу и робить еъ безрозумною якъ алкоголь. Надмѣрный смутокъ е тож своего рода пянствомъ; онъ пригноблюе душу. Взагалѣ кожду пристрастъ, что спрavляе замѣшанье въ душѣ, можно назвати пянствомъ. Придивишия примѣромъ сердитому чоловѣкови; онъ зовсѣмъ якъ пїный! Сердитый не е паномъ себе, ни окруженія. Онъ кождого чѣпается, на всѣхъ нападае, плете небылицѣ (глупѣ, безглузди слова); не можъ его здержати, онъ клене, бѣе, кидаеся, бѣситься, грозить, кричить.

Найкрасшое приготованіе до посту есть быти мѣрнымъ и повздержнымъ. Коли ты упиваешся, то наливаешь напой до дѣравой посудины. Вино ци паленка перетече черезъ тебе, але грѣхъ остане въ душѣ. Утѣкай одъ пянства. Слуга утѣкае одъ пана, который бѣе его палицею, а чомужъ ты не утѣкаешь одъ напою, который бѣе тебе по головѣ. Коли ты переберешь мѣру въ питю, то голова твоя стае тяжка, якбы была изъ олова, тебе цѣлого чути корчмою, весь свѣтъ крутиться и ходить до окола тебе.

Не забывай, брате, кто то мае прийти до тебе въ св. постѣ. Не кто инший а той, кто обѣцявъ: „**Іаз и Отцъ къ немъ прійдема и синтель ѿ негш сотворима**“ (Іо. 14, 23). Чомужъ ты впиваешься и замыкаешь Господеви вступъ до твоєї душѣ? Якъ дымъ проганяе пчолы, такъ пянство проганяе дары святого Духа“.

Ось такъ пише св. Василій Великій о постѣ. Роздумай, брате-сестро, добре сесѣ краснѣ слова, возьми собѣ ихъ до сердця и переведи по христіянски часть великого посту. Най черезъ св. Постъ зросте въ твоемъ сердцю любовь до Бога, най ослабнуть злѣ похоти, а розвинуться краснѣ квѣтки христіянскої праведности!

[P. C.]

„Прійдите поклонимса Господъ Іисусъ къ Пресв. Евхаристіи!“

Початокъ розкислого фебруара. Понурый, мрачный, непривѣтный день — пятниця. Вонка дробненький дождик, подъ ногами рѣдкое болото. Старенька, бо больше 150-рочна, василіянска церковця прибрана торжественно и святочно, якбы молода на свадьбѣ. Обрусы на престолѣ снѣжно-блѣлѣ, головный олтарь купаєся въ квѣткахъ.

Что се за свято? Не свято се, а звычайный день, но але посвященный Пресв. Сердцю Господа Іисуса, укрытыму въ Пресв. Тайни Евхаристіи. Друга година пополуднѣ. Въ церковцѣ зобразився поважный гуртокъ людей изъ всѣхъ становъ. Тихонько, въ святочномъ настрою войшли ученики интернату — гімназіясты.

Пресв. Евхаристія має быти выставлена до публичного почитанія. Рознесеся по церкви нѣжный голосъ дзвонка, всѣ падають на колѣна и зъ напруженiemъ ожидаютъ появленія Евхаристичного Спасителя. Отчиняються царскѣ двери и за хвилину голосить священникъ зъ Пресвятою Евхаристією зверненый до людей: „**Г**осподи спасительна моя жертва!“ Всѣ присутнї спѣваютъ горячимъ сердцемъ:

„**Небеснѹю дверь Швєрзлюща, врань восстаєтъ вражіѧ, подаждь крѣпость и помошь!**“

„**Единою въ Троїцѣ Господеви!**“ — звенить могутнимъ голосомъ отъ престола.

„**Да вѣдетъ вѣчнаѧ слава — подхоплюе народъ — иже животъ вѣчныи даруетъ намъ ко царствіи, аминь!**“ Потомъ ставлять на кивотъ Пресв. Тайны до публичного почитанія и изъ десятокъ сердецъ плыве сердечна пѣсня до Евхаристїйного Господа, а потомъ настает глубока тишина. Въ сердечной тихой молитвѣ припало до Господа кольканадцять особъ и вразъ зъ невидимыми небесными духами умоляютъ Господа неба и земли. Минае непомѣтно година за годиною; — кождоѣ годины змѣняється тихинько черга поклонниковъ. Сотки христіянъ посѣщає свого Створителя и переводить зъ Нимъ якійсь часокъ на нѣжной, сердечной розмовѣ. Ни одно не одходить зъ порожними руками отъ Предоброго Іисуса.

Наблизилася година шеста. На проповѣдницю вступає чернець-проповѣдникъ. Церковця переповнена народомъ. Колькохъ священниковъ, кольканайцять изъ околичныхъ селъ, богословы, учительки, ученики и ученицѣ, старѣ и дѣти, интелигенція мѣшана зъ селянствомъ — голова при головѣ. Зобралися на конченье умоленія Евхаристичного Вязня любви. Проповѣдникъ указує на працу Божого Спасителя надъ спасеніемъ нашихъ душъ и то въ Пресв. Тайнѣ Евхаристїи и покликуючися на зазывъ Господа: „**Жаждай да грядетъ ко мнѣ, и да пієтъ!**“ (Іо. 7, 37) взыває всѣхъ слухачовъ, чтобы гуртовалися коло Пресв. Евхаристїи и черпали изъ Христового Сердця свѣтло, тепло, святость и спасеніе.

Зъ искреннимъ сердцемъ на принятіе небесныхъ даровъ припадають всѣ еще разъ до Божого Сына и въ зворушуючихъ сердце словахъ молебня складають Ему у дарѣ вѣру и любовь та предкладають еще разъ спольно горячѣ и покорнѣ просьбы за себе, за весь народъ и за св. Церковь. Въ отвѣтѣ на благалыгѣ мольбы удѣляє Господь Іисусъ присутнымъ своего благословленія, а в'едно зъ нимъ обильнѣ свої благодати. Собравший народъ не може разстatisя зъ своимъ Господомъ, доперва по доброй хвилѣ починають помало розходитися болїючѣ въ душѣ, что солодка нащива такъ коротко тревала.

Сей публичный култъ Пресв. Евхаристїи — се заслуга скромного, покорного монаха о. Павла, якого жаждою есть, потягнути всѣхъ до пребогатого жерела всякої благодати — Пресв. Христового Сердця. Пристроеніемъ церковцѣ на приви-

тания небесного Гостя займається п. учителька Карцубъ, що тра день передтymъ цѣлое пополудне роботала надъ украшениемъ Божого храму.

Боже дай, чтобы се почитанie Пресв. Евхаристiѣ розширилося по цѣлой нашей епархиї, чтобы зродилося въ всѣхъ верствахъ руського народа зрозумѣня Господа Іисуса въ Пресв. Тайнѣ, та чтобы сердечна и горяча любовь привела насъ всѣхъ до здорового жерела правдивого житя и христiянскої святости, чтобысьме жили, та не мы, а чтобы въ всѣхъ насъ живъ и дѣлавъ Христось!



Церковь Христова.

Первенство св. Петра

II.

По вознесеню Христа св. Петро виступає якъ голова, начальникъ Церкви Христової. Онъ устроює выборъ нового апостола Маєя, мѣсто зрадника Юди; онъ дѣлає первое чудо и принимає первого поганина въ лоно Христової Церкви; онъ говорить въ имени апостоловъ передъ юдейскимъ синедріономъ, онъ карає Ананію и Сафиру за ложъ, онъ рѣшає тяжкий вопросъ о поддержаню мойсейскихъ законовъ на іерусалимскомъ соборѣ, и коли онъ говоривъ: „оумолча же все множество“ (Дѣй. Ап. 15, 12, 13).

Само такъ и другi апостолы уважали его за первого, хотяй не онъ бывъ найстаршiй, и не его покликавъ Христось першiй разъ на апостольство. Евангелисты подаючи имена апостоловъ св. Петра все на первое мѣсто ставлять (Мт. 10, 2; Мк. 3, 16.; Лук. 6, 13. 14). Св. Матеїй выразно называє его первымъ (10, 2); часто находяться въ св. Писанiю такъ выражы: „Петръ и апостолы“ (Дѣй. 5, 29) и самъ св. Павель

необходимо потребнымъ считавъ, переже, чимъ начинати свою апостолску дѣятельность, пойти въ Іерусалимъ „согладати Петра“ (Гал. 1, 18) где съ нимъ перебывавъ 15 дней.

Подобно такъ толкують слова Спасителя и св. отцы. (Приведеме лише восточныхъ отцовъ, которыхъ и схизматики святыми держать) Св. Василій Вел. († 378) пише, что св. Петро получивъ „обѣтованіе, что на немъ збудуєся Церковь“ (Опрова. Ев. гл. 2, 54) и Св. Григорій Богословъ: († 395) „Примѣчаешьъ, что изъ Христовыхъ учениковъ, котрѣ всѣ были достойнѣ избранія одинъ именуєся каменемъ и ему повѣряються основанія Церкви?“ (Повх. дѣйству. Москва 1889. V. 122, 123). А св. Іоанъ Златоустъ († 407)? Цѣлый томъ можно бы написати изъ такихъ выражовъ, якими называе Петра „верховнымъ изъ апостоловъ... каменемъ несокрушеннымъ... непоколебимымъ основаниемъ... первымъ въ Церкви... предстоятелемъ всезъ вселенскогъ Церкви...“ и т. д. (Заб. Въ защиту вѣры ст. 48). Подобно толковали слова Спасителя всѣ св. отцы такъ, что до Фотія и Керуларія цѣлый Востокъ туту вѣру исповѣдавъ о первенствѣ св. Петра, котру держиме мы теперь въ XX-омъ столѣтїю, что св. Амвросій († 397) коротко сими словами выражает: „Где Петръ, тамъ есть и Церковь“.

Св. богослужебни книги суть толкованіями и обясненіями св. вѣры. Они такожъ въ повиѣ оправдають вѣру о главенствѣ св. Петра. Минея (выдана въ Москвѣ 1705) на праздникъ св. апостоловъ Петра и Павла сими похвалами прославляе св. Петра: „Верховный славныхъ апостолъ, камень вѣры и ключарь благодати... апостоловъ основаніе... апостоловъ предначальникъ... апостоловъ верховнѣйший... первопрестолникъ, кому Христосъ вручаетъ любимое свое стадо, на комъ созда Христосъ Церковь свою, ейже, адоеа врата не одолють и т. д. и т. д.“ Такъ, что всѣ котрѣ осмѣляються отрицати главенство св. Петра, повиннѣ откинути отъ себе такъ св. Писаніе, якъ ученіе св. отцовъ и вѣру первыхъ христіянскихъ столѣтій.

Пекельный куколь и здоровое зерно.

„Наша вѣра лѣпша, бо твердша“ — такъ баламутять отступники-схизматики. Айно! скаже неодинъ, оно чтось нѣбы такъ. Что твердше то и лѣпише. Якъ ты кладешь хижу, або мостишь дорогу, тогды треба тебѣ кам'ня. Тай глядаешь кам'ня сильного, твердого, ибо мягкий пѣсковець розсыплеся и разпадеся. Але якъ ты, брате, або твоя дитина голодна, то ци ты глядаешь за хлѣбомъ твердымъ, заплѣсnilымъ, ци берешъ хлѣбець мягонький, свѣженький. Правда, что глядаешь тогды хлѣба мягкого, здорового и свѣжого. — Ци не такъ? — Айно? А якъ бы ты наївся нездорового хлѣба, ци выйде се тебѣ на

добре; ци будешь здоровый? Нѣтъ! Здоровля такій хлѣбъ не дастъ, а противно, може набавити тебе бѣды, хвороты, что треба буде довго-довго лѣчитися, чтобы поздоровити, а може и безъ операциї не обойдеся.

Отъ такъ, видишь брате, дѣло маєся и зъ вѣрою. Вѣра, наука Христова, не має быти така, якъ той скаменѣлый хлѣбъ, але она якъ свѣжий, смачный, мягкий хлѣбець має кормити и скрѣпляти нашу душу, має дати намъ силу до житя христіянскаго и до двиганя креста обовязковъ нашихъ. Вѣра мас приносити здоровля и силу нашей души, а не выкликовати немочь и недугу.

Ты бо знаешь, что сказавъ Господь нашъ Іисусъ Христосъ искуителеви-діяволови, якъ онъ въ свою лабу ваявъ каменюку и указуючи еї Іисусови казавъ, чтобы онъ перемѣнивъ камѣнь въ хлѣбъ. „**Не ѿ хлѣбѣ єдинѣмъ — каже Господь — живъ вѣдѣтъ чловѣкъ, но ѿ всікомъ глаголѣ исходащемъ изъ бусти Божіихъ**“ (Мт. 4, 4). Ось видишь каждое слово Божое має наче хлѣбъ здоровенький кормити душъ нашъ.

И въ той любой молитвѣ „Отче нашъ“, яку певно кождый день по колька разовъ кончиши, Іисусъ Христосъ не каже намъ просити небесного Отца о „твердый камѣнь“, ибо о хлѣбѣ здоровый, чтоденний, хлѣбъ для тѣла, але и для душѣ. Подносиши до неба очи, руки и сердце и зъ повнимъ довѣріемъ благаєшъ: „**Отче нашъ, иже єси на небесѣхъ... хлѣбъ нашъ насущній да ждь намъ днесъ**“.

Изъ того можешъ познати, чимъ для душѣ нашої повинна быти вѣра, твердымъ камѣнемъ, ци здоровымъ хлѣбцемъ, якій намъ приготовляє предобroe, любячое сердце небесного Отца и подае руками солодкоѣ Матери нашої св. каѳолическої Церкви. А ось высланники діявола, схизматицкѣ и протестантскѣ агитаторы, баламуты, перевертнѣ, хочуть выдерти тобѣ зъ рукъ мягкий, здоровый хлѣбъ Христовоѣ правды, а тобѣ на силу пхають свой твердый камѣнь, схизматицкій и протестантскій лихий крамъ, брехню и фалшъ. И поглянь, что дѣся зъ тими, котрѣ наглодалися того твердого пекельного камѣня. Въ головѣ потемнѣло, въ сердцю згасла любовь Божа а загнѣздилася ненависть, руки вытягаються до рабунку, убийства, крадѣжи, подпаловъ и всякого беззаконія. „**О плаудъ ихъ познаете ихъ**“ (Мт. 7, 16) — каже Господь. — Яка вѣра, такѣ и плоды. Иншакъ быти не може. Бо „**не можетъ древо зло, плоды до бры творити**“, читаеме въ св. Евангелію (Мт. 7, 18).

Зато, брате солодкий, не дайся збаламутити, не дозволи вырвати собѣ изъ рукъ мягкого хлѣба правдивої науки Христової, але споживай его на здоровье и спасеніе душѣ своеї, а фальшивыхъ пророковъ, діявольскихъ наймитовъ сокотися и безсмертною душою своею не плати имъ за твердый, смертоносный камѣнь ложи и фалшу. Памятай на погрозу Господа: „**Еслико обуко древо, еже не творить плоды добра, посѣкаютъ є**

и во огнь вметають“ (Мт. 7, 19); что неотмѣнно чекає всѣхъ высланниковъ сатаны и тыхъ, котрѣ пойдуть за ними и выречуться Христа Бога и Его св. Церкви.

„Моя вѣра лѣпша, бо твердша“, се въ устахъ схизматиковъ пекельный куколь. Истинна вѣра есть та, котру намъ голосить едина, свята, вселенска (каѳолицка), апостольска Церковь — се здоровое зерно! Запамятай собѣ! [P. C.]



Отрубана и уздоровлена рука.

(Зъ житя св. Іоанна Дамаскина).

Восточно-римскій цѣсарь Левъ III. Исаврійскій (717—741) думав, что Арабы тому не хотять приняти христіянскоѣ вѣры, что христіяне почитаютъ святѣ статуї (фигуры) и образы. Тому 726. року казавъ знести почитаніе святыхъ образовъ и найстрогше заборонивъ ихъ почитати. Казавъ палити, розбивати и всякимъ іншимъ способомъ нищити св. образы и фигуры, а тыхъ, котрѣ отважилися боронити тотѣ христіянскѣ святощѣ, засуджозавъ на темницю и другѣ муки. Противъ того безбожного цѣсара выступила св. Церковь и 732. року выключивъ его папа изъ церковної єдности.

Въ тыхъ часахъ живъ въ Дамаску, головномъ мѣстѣ Сиріѣ, св. Иванъ, котрый бывъ намѣстникомъ калифа. Тогда Сирія подлягала Сараценському калифови. А намѣстницка часть въ Дамаску припадала яко родинна власность (наслѣдство) фамилії св. Ивана и такъ переходила изъ отца на сына. Сталося, что и Иванъ зачавъ справовати туту высоку службу. Онъ мавъ великѣ способности ума и сердця. А окремъ того добре знавъ каѳолическу науку и бывъ ревнымъ гр.-каѳоликомъ. Коли Иванъ дознався, якъ переслѣдуе византійскій царь вѣрныхъ каѳоликовъ за то, что почитаютъ св. образы, стало ему жаль и онъ постановивъ утвердити ихъ у св. вѣрѣ.

Въ той цѣли написавъ цѣлу книгу, въ котрой боронить почитаніе св. образовъ. Туту книгу въ многихъ примѣрникахъ пославъ духовнымъ и свѣтскимъ достойникамъ восточно-римскаго цѣсарства. Царь Левъ образорецъ дознався за ту книгу и сейчасъ зачавъ думати, якъ на Иванови помститися.

Але Иванъ живъ въ другой державѣ, въ котрой Левъ не мавъ жадноѣ власти. Зато лукавый византій уживъ лукавство. Онъ купивъ собѣ рукопись Ивана. При помочи того рукопису казавъ написати листъ, въ котромъ письмо было зовсѣмъ такое, якбы его писавъ самъ Иванъ своею власною рукою. Той листъ пославъ мстивый царь саранецкому калифови зъ додаткомъ, что сей листъ доставъ онъ отъ его намѣстника Ивана. Въ письмѣ повѣдомляе царя византійскаго, что въ Дамаску есть мало войска, тожъ най царь византійскій нападе на Дамаскъ, а легко его здобуде.

Калифъ поровнавъ се письмо зъ Ивановыми рукописами и повѣривъ, что се Ивановое письмо. Дармо Иванъ боронився, что есть безвиноватый. Калифъ розказавъ, чтобы за зраду оттяти ему праву руку и туту руку повѣсити на плошѣ, чтобы весь народъ ю видѣвъ.

Вечеромъ было дозволено Иванови, чтобы взявъ свою оттяту руку и закопавъ ю до землѣ. Але Иванъ ю не закопавъ. Онъ пошовъ зъ рукою такъ ослабленый и вымученый до каплички, яку мавъ въ своеемъ домѣ. Въ капличцѣ на престолѣ стояла статуя Матери Божої. Иванъ упавъ передъ нею на колѣна и туй горько заплакавъ. Плакавъ надъ ганьбою, яка упала на него, что оголошено его зрадникомъ отечества. Плакавъ зъ болю, якій задавала ему рана на оттятой руцѣ. А потому ставъ молитися: „Мати Божа и Мати моя! Я стративъ сесю руку въ оборонѣ твого образа. Уздорови мою калѣку руку своимъ могутнымъ заступленьемъ. Коли достану знова здорову руку, буду нею писати пѣснѣ на славу Твого Сына.

Змученый заснувъ Иванъ. Коли збудився, его рука была знова здорова и цѣла. Видно было лишь червену смугу, яка и цѣлое житя осталася въ отятомъ мѣстѣ, яко свидѣтельство добродѣйства, которое выпросила ему отъ Господа Бога Пресвята Богородиця.

Коли калифъ довѣдався за ту подѣю, покликавъ Ивана до себе, чтобы па свои очи переконатися за чудо. Онъ увидѣвъ, что зробивъ Иванови кривду; обнявъ его и просивъ, най жадає отъ него ласку, яку самъ хоче. Иванъ попросивъ, чтобы калифъ увольнивъ его отъ службы.

Иванъ удався на самоту въ монастырь св. Савы коло Іерусалима. Тутъ свято проживавъ и писавъ книги на славу Богу, Преч. Їѣвы Марії и Святымъ. Померъ 754. року. Церковь почитає его якъ святого. Отъ своего родного мѣста зовеся Дамаскинъ.

Кто бы не зновъ красный канонъ Пасхи, краснѣ пѣснѣ па недѣльныхъ утренихъ, на похоронахъ и т. д. Понайбольше изъ нихъ написавъ св. Дамаскинъ. А якѣ краснѣ его науки о Матери Божої, о почитаню св. образовъ! Терпѣнія его Богъ обративъ на велику свою славу. Читателю! Не ганьбися николи боронити правду Божу!

Якъ я вытврѣзився изъ шизматицкого блуду.

Коли въ Ясъню явилися першѣ шизматицкѣ агитаторы, то говорили, что тотъ такъ званнѣ „православнѣ“ батюшки дуже святѣ попы и лѣпшѣ якъ нашѣ дотеперѣшнѣ. А то не правда. Чому? Послухайте!

Коли прїйшовъ до нась — до Ясъня — батюхъ Михайлъ Когутъ, я витавъ его не иначе, якъ одного правдивого священника. Пріявъ я его въ свою хату, давъ ему квартиру, но не только, что передавъ ему свою хату для бываня, но еще и служивъ коло него, ъсти 'му готовивъ и все силовав'емся ему въ дяку ходити, бо думав'емъ, что сякъ послужу Божому дѣлу. И за сесю щиростъ Богъ розмилосердився надо мною, бо якъ бы бывъ я его не пріявъ до своеї хаты, не отворили бы бывися мої духовнѣ очи и може на вѣки блукавъ бы бывъ еще въ шизматицкомъ або, якъ теперь уже вижу, въ кривославномъ блудѣ. Тыхъ пару тыждньовъ, что бывавъ въ моеї хатѣ доста ми было на то, чтобы я узnavъ, что тотъ батюшки, котрѣ такъ голосно судять нашихъ дотеперѣшнїхъ священниковъ, суть не ангели, якъ то я думавъ, але хитрѣ вовки въ овчихъ шкорахъ, не побожнымъ животомъ своимъ, але лицемѣрнымъ а фарисейскимъ своимъ поведеніемъ годиѣ бы нась завести въ такій блудъ, за что еще и внуки нашѣ страдали бы.

Я якъ такій, что шукавъ правду и думавъ, что найду въ ихњомъ православію — дуже удивлявся на томъ, что одинъ православный священникъ чистоту супружеску проповѣдує а самъ хотїй женатый зъ молодицями тѣшиться. Самъ своими очима видѣвъ, якъ щиро одношуеся къ Глинчакъ Аннѣ. Своимъ очамъ не хотѣвъ вѣровати, коли видѣв'емъ нашего батюшку зъ нею цѣловатися. И коли я ему на то сказавъ, что уже я не вѣрю теперь никому, онъ менѣ тоже одповѣвъ, что и онъ не вѣритъ ни одному такому, кто годенъ безъ жоны жити, даже не вѣритъ ни архимандритови, ни жаднымъ монахамъ, чтобы они безъ тѣлесного наслажденія могли жити.

Теперь я уже понявъ, чому онъ полоче свой ротъ и мые свою бороду всякими пахучими водами и то зато, чтобы сякъ лѣпше подобався Глинчачкамъ и якъ Глинчачка купила ему чоботы, такъ абы и другѣ жоны чось купили.

Думаю собѣ, коли самъ православный батюшка такъ говорить и на себе и на архимандрита и на монахи, что се за православіе? На вѣрно не имъ сказавъ Христосъ: „Тако да просвѣтится свѣтъ Вашъ предъ человѣки, яко да видять дѣла вашѣ“, бо я въ сумлѣнїю батюшки Когута ниякого свѣтла не узрѣвъ, котре бы могло менѣ дорогу истинної правды указати.

Помали я почавъ узрѣвати, что де я забривъ иль ихъ православiemъ и прїйшов'емъ на то, что сесѣ батюхи не спасеніе наше хотять, а свої кешенї бы хотѣли напхати нашими

тяжко заробленными грошми, бо якъ батюхъ Когутъ сказавъ, что на престолъ лишъ великъ гроши можна класти а малъ не смѣютъ тамъ быти. Тай на архимандрита Кабалюка зато нагнѣвався, что онъ заберае отъ нихъ грошъ собѣ, а другимъ не лишае ничъ. И се доказуе, яка меже ними любовъ, меже самыми батюшками.

Якъ можеме мы имъ вѣровати, коли они самымъ собѣ не довѣряють. Бо мали прїйти до нашого батюшки изъ Рахова его товаришъ, нащивити его, а я вижу, что нашъ батюхъ все ховае что е въ хатѣ; и я пытаюся чому то? А онъ сказавъ, что прийдуть до него другъ батюшки и суть меже ними всякъ люде, та могутъ отъ него еще чось украсти. На вѣрно изъ себе судить и изъ себе бере примѣръ, бо коли бывъ у него въ Ясѣню владыка Досифей то четки забывшъ у него еще все не вернувъ. Отъ така у нихъ моральность.

А який онъ священникъ, то видно изъ слѣдуючого дѣла: Черезъ высше сказанѣ дѣла мы не соглашалися и онъ видѣвъ, что лѣпше буде ему якъ лишить мою хату. Чудно менъ, что Евхаристію, котру тамъ державъ въ моє хатѣ, лишивъ до нынѣшнього дня. Я рушитися до неѣ, якъ свѣтскій чоловѣкъ не смѣю, но одинъ священникъ якъ може лишити св. Тайны вже четвертий мѣсяць забывше за ныхъ. Сякъ они священники и сяку они вѣру проповѣдають. За мою правду, котру я ему до очи сказавъ, отплатився менъ такъ, что на Богоявленіе при посѣщеніи вылишивъ мою хату. Уже коли мене не позеравъ, то хоть св. Тайны бы бывъ попозеравъ, ци не поплѣснули.

Я знаю, что сіе письмо не буде ему на дяку и что не перестане на мене строити заблудшихъ своихъ прихильниковъ, котрѣ Богу дяковати уменшаются. Я за се готовъ и передъ судомъ ити и тамъ еще и іншѣ дѣла розповѣдати о немъ. Я не боюся отъ него. Даръмо сказавъ своимъ заблудшимъ вѣрникамъ, что такихъ якъ я, до трехъ дней до земли треба положити.

Я прошу Васъ, пане редакторе, умѣстѣть сіе мое письмо, чтобы народъ зновъ, что дѣлеся у насъ въ Ясѣню и чтобы народъ порозумѣвъ и не думавъ, что батюшки намъ принесуть благобытіе. Не благобытіе но вражду, ненависть и злобу засѣяли между нась, а тотъ, котрѣ будуть ити за ними скорше пекло якъ царство будуть мати.

Режанюкъ Василь,
гр. каѳ. изъ Ясѣня.

Пастырь ци злодѣй и розбойникъ?

Знаеме изъ Евангелія св., что Божественный нашъ Спаситель вѣрныхъ своихъ, Церковь свою, называвъ неразъ стадомъ. Та тое стадо Христовое не мае быти безладна, самовольна череда, але розумна, карна, послушна, упорядкована супольность. Самъ Іисус Христосъ есть на всегда найвысшимъ головнымъ, всевладнымъ Пастыремъ своего выбранного стада, своеѣ св. Церкви. Але въ добротѣ своей зволивъ Іис. Христосъ при-

брати собѣ зъ меже людей помочниковъ, чтобы они при Немъ и зъ Нимъ и подъ Его начальствомъ пасли словесное, розумное стадо Христово, вѣрныхъ Его въ св. Церкви. И тотъ пастыръ мають право а и обовязокъ кормити овцѣ Христовѣ словом и ласкою Христовою, мають лѣчити и освячовати въ Тайнахъ святыхъ, мають въ конци провадити и боронити спередъ вовками и злодѣями.

Але по чомъ ты, солодкій брате, можешь познати, *кто пастырь Христомъ посланий, а кто злодѣй и разбойникъ?* Бо за Христовимъ пастыремъ треба ити и его слухати, а злодѣя треба сокотитися и утѣкати отъ него.

Отъ теперъ порозлазилися по нашей руськой земли якбы гайвороны якѣсь, всякѣ уже учитель и пророки и каждый изъ нихъ горлае на цѣлое горло, что посылае его до тебе Христось, что онъ пастырь, что у него правда и спасеніе. Бородатый батюхъ кличе тебе до себе и умовляе въ тебе, что онъ Христовий пастырь, бо у него ажъ потройный крестъ. Перекабаченный суботникъ кричить собѣ, что онъ правдивый пастырь. Опоганенный, по протестантски подстриженный евангеликъ ци меѳодистъ успевняе тебе, что онъ твой пастырь, бо у него Христово Евангеліе и онъ одиць знае тобѣ добра его потолковати и обѣцюе тебе безъ посту, безъ сповѣди, безъ причастія, безъ попа, безъ церкви и безъ добрыхъ дѣлъ зъ костями до раю запхати. А еще іншій гусить або якій тамъ безвѣрокъ лѣзе въ твою хижу и каже, что онъ тобѣ безъ креста и безъ недѣли, безъ вѣры и Евангелія подастъ спасеніе.

Якже ту собѣ дати рады? По чомъ можешь певно познати, кто пастырь а кто злодѣй, кого Христось до тебе посылае, а кто высланикомъ Христового ворога — сатаны.

Самъ Господь Іисусъ подае намъ всѣмъ неомильный знакъ по котромъ можеме познати правдивого пастыря и злодѣя. Послухай слова Господнього, записанного у св. Евангелиста Іоанна въ 10-ї главѣ: „**Іаминъ, аминъ глаголю вамъ: не входай дверми ко дверзь овчій, но прелази инудѣкъ, той татъ есть и разбойникъ: Я входай дверми пастырь есть овцамъ**“ (Іо. 10, 1—2). И дальше пояснюе Господь: „**Іаминъ, аминъ глаголю вамъ, іако азъ єсмь дверь овцамъ**“ (Іо. 10, 7) и еще: „**Іазъ єсмь дверь: мною аще кто внидетъ, спасетса... Татъ не приходитъ, разѣ да оукрадетъ и оубієтъ и погубитъ: азъ прїдохъ, да животъ имѹтъ и лишише имѹтъ**“ (Іо. 10, 9—10).

Ось тобѣ, милый брате, знакъ данный самым Богомъ. Маешь славити Бога, въ головѣ розумъ и очи, тожъ подумай, приглянися, кто чимъ есть.

Кто не приходить черезъ дверѣ, значить кто входить до Христовоѣ овчарнѣ самовольно, безъ позволеня Господа Іисуса, той злодѣй и разбойникъ; отъ него тобѣ не сподѣватися добра и спасенія, только розбою и погибели. Кто же входить до Христовоѣ овчарнѣ дверми, то есть за позволеніемъ

и благословеніемъ Иисуса Христа, той тебѣ пастырь, при ко-
тромъ найдешь здорову пашу душевну, житѣе Божоѣ благодати
и вѣчное спасеніе.

Та якъ я можу теперъ познати — звѣдаешся мене — кого
впускае Иисусъ Христосъ, а кто самовольно влазить до Христо-
вого стада? — Послухай, брате солодкій, а я тебѣ се розясню.
Ты знаєшъ зъ Евангелія святого, что Иисусъ Христосъ передъ
своимъ Вознесеніемъ постановивъ на свое мѣстѣ пастыря,
якому оддавъ цѣлое свое выбранное стадо и постановивъ его
найпершимъ пастыремъ надъ цѣлою своею Церковю. Ты зна-
ешъ такожъ добра, кто то бывъ той, кого Иисусъ Христосъ
поставивъ найвысшимъ пастыремъ у св. Церкви, которому пе-
редавъ найвысшу власть надъ своимъ стадомъ. *То бывъ св. Петро Апостолъ та всѣ его наслѣдники, Римскѣ Папы.* Ибо
до него сказавъ Божественный Спаситель по своемъ Воскресенію три разы: „**Паси агици мої — паси Овцы мої**“ (Іо. 21, 15—17). Господь якбы сказавъ: „Я одходжу изъ сеѧ земли, а
тебе и твоихъ наслѣдниковъ ставлю найвысшими пастырями
моихъ овечокъ. Паси ихъ, провадь и борони ажъ по конецъ
свѣта. Пастыремъ въ моемъ стадѣ — у св. Церкви — може
быти лемъ той, кого ты впустиши до овчарни, ктоже безъ
твого вѣдома и безъ твого благословення и противъ твоєї
волї влѣзе на силу до моего стада, той не пастырь але злодѣй
и розбйникъ и такого чимъ скорше проганяй одъ моихъ ове-
чокъ, чтобы не зробивъ имъ шкоды и не позбавивъ живота.—
Видишъ отже изъ словъ Господа Иисуса, что хто безъ позво-
леня и безъ вѣдома св. Петра и его наслѣдниковъ Римскихъ
Отцовъ втискається меже вѣрныхъ, той злодѣй и розбйникъ, хо-
тяйбы онъ тебе и якъ впевнявъ, что посылає его Христосъ.
Нѣть! Не Христосъ его посылає а Христовий ворогъ. Ибо той,
кого посылає Христосъ, той входить дверми. Кто же не хоче
входить дверми, того не посылає Христосъ, але онъ есть злодѣй
и розбйникъ, хотыбы у него на головѣ была навѣть зо-
лота коруна, на грудяхъ крестъ, а въ рукахъ евангеліе. Пас-
тыремъ, якого Христосъ до тебе посылає, есть той, кто за
позволеніемъ и благословеніемъ Христового Намѣстника при-
ходитъ. Такъ зарядивъ Иисусъ Христосъ, такъ мусить быти и
того нѣхто не перемѣнить!

А теперъ, солодкій брате, звѣдайся тыхъ, что якбы гай-
воронъ товиляться по нашей руській земли и накидаются тебѣ
на провѣдниковъ и пастырей твоєї душѣ, одкупленної Хри-
стовою Кровю, звѣдайся того бородатого ци и обритванного
(бо есть и такъ межи ними) твердого, кривославного „батюха“,
звѣдайся и того ожидовѣлого суботника, тай того опоганеного
мѣодиста ци евангелика, и ще того безвѣрного безконфесій-
ника — позвѣдайся ихъ добре, а не пусти зъ рукъ, бо они
знають вывинутися якбы пискорѣ або вужѣ, — котрый з них
має позволеня одъ Петрового наслѣдника, Римского Отца, най-
высшого Пастыря въ единой, святой, соборной (каѳолицкой) и

апостольской Христової Церкви. Айно! брате. Задарь звѣдуешся. Такого позволеня ни одинъ изъ нихъ не має и николи тобѣ не укаже, бо не войшовъ онъ дверми, не пустивъ его св. Петро, але онъ самовольно вдерся. Они отже не паstryрѣ Христовыхъ овець, а злодѣї и розбойники, что шкодяль Христовому стаду. Ци не такъ? Ой такъ, брате! Длятого варуйся передъ ними самъ, а сокоти передъ вовчими ихъ зубами и родину свою, бо горе такому, что попадеся въ ихъ злодѣйскѣ розбирацкѣ руки. Вырве тобѣ св. вѣру, заморить голодомъ, запровадить на бездорожжа и вверже душу въ вѣчну пропасть пекольну. О томъ впевняе тебе слово Пресолодкого Спасителя: „**Татъ не приходитъ, развѣ да оукрадетъ и оубієтъ и погубитъ**“. Держися крѣпко паstryря, якого посылае тобѣ Христось, что каже о собѣ: „**Ізъ прійде хъ, да животъ имутъ и лише имутъ!**“ (Іо. 10, 9—10).

Проси часто и горячо Господа, чтобы сокотивъ нась Руциновъ передъ злодѣями и розбойниками и пославъ намъ добрыхъ, ревныхъ, Духомъ Божимъ оживленыхъ душпаstryрей.

[P. C.]

Изъ шизматицкого раю.

Чому схизматики залишили наше славное „Слава Іисусу Христу“? Давна то исторія, что кого діяволь оттягне отъ единоѣ, святоѣ, каѳолическоѣ (соборноѣ) и апостолскоѣ Церкви, того отрывае и отъ Іисуса Христа. Такъ оно зъ схизматиками. Вѣрнѣ сыны св. Христової Церкви люблять Іисуса Христа и прославляють Его зъ давенъ-давна тымъ чудовыемъ привѣтомъ: „Слава Іисусу Христу“. Отступникамъ, у якихъ сердцю діяволь загасивъ любовь до Господа Іисуса, а на то мѣсто засадивъ ненависть до св. Матери Церкви, не до смаку той христіянскій привѣтъ. Они заступили его жидовскимъ „Дай Боже“, або „Добрый день“. Іисусъ Христось — кажуть схизматицкѣ агитаторы — не мавъ славы ту на земли“. Айно! Правду сказали, что отъ самославныхъ отступниковъ-схизматиковъ Господь Іисусъ николи не мавъ славы. Зато вѣрнѣ овечки Христовѣ чтобы доповнити сей недостатокъ, давали ему честь и славу. У Цвѣтну Недѣлю весь Ерусалимъ ажъ дрожавъ отъ славного „**Осанна (слава) Сынъ Давидовомъ!**“, что плыло изъ вѣруючихъ сердецъ, але ни одинъ самославный фарисей-схизматикъ не отворивъ своихъ устъ, чтобы отдати славу Спасителеви. Навпаки они заходилися коло того, чтобы здусити величное „**Осанна**“ Честь вамъ заслѣплењѣ лжепророки, что вступаete у слѣды жестокосердныхъ фарисеевъ, вороговъ Христовыхъ! Боже дай, чтобы вы вже разъ прозрѣли и залишили баламуту!

Чимъ кривославнѣ-схизматики величаються? Нашѣ отступники отъ правдивої Церкви Христової, величаються, что

гр.-кає-ки ними займаються, про нихъ говорять и пишуть въ „Благовѣстник“-у и иныхъ газетахъ. „Ось, кажуть они, — якъ мы славиѣ, колько то розголосу мы наробили, якъ про нашу вѣру заговорила цѣла Подкарпатска Русь“. Айно, айно! Честь вамъ кривославиѣ и вашимъ платнымъ наймитамъ батюхамъ! Маєте чимъ величатися! Оно выглядаете чтось такъ само, якъ бы смѣтia величалось зъ того, что его вымѣтують изъ комнаты и выкидаютъ вонъ изъ хижы, або якъ бы кропива и бурянъ хвалилися тымъ, что ихъ вырываютъ и кидаютъ на гной. Отъ такимъ смѣтемъ и буряномъ на Подкарпатію е схизма. Не маєте — якъ видите — чимъ славитися. Не честь, а ганьбу вамъ приносить, что вы засмѣчуєте и занечищуете Христову ниву и насильно вдираєтесь до нашихъ греко-каєлицкихъ Церквей, чтобы ихъ безчестити и обкрадати. Часть уже опамятатися и прозрѣти та залишити діявольское дѣло!

Се учить ихъ вѣра? До якої дикости доходить ненависть кацаповъ-схизматиковъ, то не разъ уже доказали ихъ напады противъ нашихъ и противъ невинныхъ селянъ оборонцовъ вѣры. Найновѣйше въ Колочавѣ (около Волового) проуказали схизматики свою глубоку дикость. Доки гр.-каєолики кончили богослуженье въ ночи передъ днемъ Рождества Христова, два злочинцѣ зайдли въ дворъ школы, въ которой быває гр.-кає. духовникъ, обпакудили дверѣ и отровили колодязь. На счастя, скоро узнала челядь духовника, что колодязь е отровленый и то такъ, что изъ колодяза скоро рано напоили коня, и сесь отъ отровленої воды стався хворымъ, такъ, что ледва могли го выратовати молокомъ, олѣйомъ и иными лѣками. Тої самої ночи напали злодѣї на трьохъ найревнѣйшихъ гр.-каєоликовъ и побили ихъ. За се такъ обуренї суть гр.-каєолики, что сами хотять творити судъ надъ злочинцями.

|| ПОПЧОСІ ||

(Сей листъ бывъ посланъ М. Гелебанови до Т. Вулоку. Онъ заславъ намъ, чтобы сме сообщали въ Благовѣстнику.

Слава Іисусу Христу! Слава на вѣки!

Туй въ Канадѣ такожъ е много нехристовъ. Борюся зъ ними, якъ дома зъ шизматиками. Но туй шизматики уже и отъ тої вѣры одрѣкаються и кажуть, что батюшку треба завѣсити, бо бреше и дурить народъ. Отколи одреклися отъ нашої вѣры, та на только далеко отпали, что кажуть, что и Бога не є, бо не видно Его.

Е туй и доста россіянъ, айбо туй такої силы не мають якъ у насъ дома; и туй хотѣли бы передурьовати народъ на

шизму, но нашѣ не даються; а церкви не могутъ одобрati, бо церковь стоить на нашемъ имени, на имени греко-каѳоликовъ.

Наша церковь не е далеко; на 25 минутъ ходу одъ моєї квартиры. Мой братъ е туй учителемъ и веде церковный хоръ. Священика маеме изъ Галичины.

Зъ мною на квартирѣ сплять два шизматики и майже кождый вечеръ маю зъ ними баламуту. Айбо мушу ся зъ ними боротися, бо сердце ня не допуштаe, обымъ тихо бывъ, тай буду ся бороти до смерти, бо лишь разъ тяжко изъ вѣры зыйти и зблудити зъ добрѣ дороги, а якъ разъ заблудивъ, та пропавъ наохтема.

Суть туй и суботники, котрѣ кажуть, что имъ не треба ни недѣли ни свята, бо они згоднѣ и безъ недѣлѣ и свята жити.

Будьте такъ ласкавѣ на мою адресу засылати „Благовѣстник“, бо дуже ми го треба туй для обороны передъ нападами шизматицкими. Напишѣть, что е зъ церквами; ци передають ихъ, ци мусить самъ народъ отбирати собѣ назадъ силою.

Жийте зъ Богомъ на многая и благая лѣта.

Иван Ганѓуръ,
Канада.

НОВОСТИ

— Подяка. Високопреподобний о. Гавріилъ Мартякъ, бывшій апостолскій администраторъ въ Америцѣ заславъ на „Благовѣстникъ“ 5 (пять) долларовъ. Редакція „Благовѣстника“ симъ путемъ изъявляє Високопреподобному Отцу свою щиру подяку за благородный и добродушный даръ.

Ужгородъ, 20. фебр. 1925.

о. Емілій Бокшай,
редакторъ.

— Упокоився. о. Влади-
міръ Желтвай, гр.-каѳ. ду-
ховникъ въ Грушовѣ, 31-го
января умеръ. Блаженный ему
покой!

Митрополитъ Андрей
Шептицкій 17-го января об-
ходивъ юбилейный праздникъ

свого 25-го рочного архієпі-
скопованія. Изъ сеї нагоды
въ цѣлой Галичинѣ устроенѣ
были ширѣ и одушевленѣ
торжества, идъ которыми ис-
кренно приключаеме и мы нашъ
сыновный глубокій поклонъ.

— Въ Франціѣ зрушили
великопосольство при апостол-
скомъ престолѣ въ Римѣ и
залишили только диплома-
тичное заступство Елзаса. Сей
смутный фактъ есть побѣдою
жика мін. президента Еріо-ва,
кто сей проектъ только зъ
помочію комунистовъ могъ
перенести. И такъ лишь ма-
лос большинство получивъ.
Коло него голосовало 314,
противъ него же 250. Въ цѣ-
лой Франції повстало въ на-
слѣдокъ сего великое збуре-
ніе народа и каѳолики рѣ-

шили заосновати *окрему християнську партію*. Такою партією есть у нѣмцовъ: центрумъ, а у чехов — lidova партія.

— Перша руська фабрика звонов „Акорд“ в Ужгородѣ дня 29. января изолляла першѣ свої звоны, котрѣ дуже добре ся удали, и звонкимъ, чистымъ голосомъ проповѣдали Ужгородови, что наша руська економична жизнь поступила впередъ. Матерія звоновъ состоить изъ 74% мѣди и 26% англійского цинку. Першѣ звоны выробленѣ для церквей ряпедскої, колчово-должанской, нересницкої и пр.

Короткѣ вѣсти. Троцкого большевицка-комунистична управа увильнила отъ своеї посады. — Албанія выголосила себе републикою. — Комунисты 15-го фебруара хотѣли зробити велику демонстрацію, котра мимо сильної агитації кончилася повною неудачею. — Въ Югославіѣ отбылися выборы. Правительство получило 162 мандатовъ, оппозиція (противники) же 153. — Всѣ ческѣ епископы заявили, что въ дѣлѣ пастырскаго листа зъ словацкими епископами соглашаются. — Часописи приносять вѣстку, что головою схизматицкої Церкви хоче стати сербскій царь на мѣсто россійскаго царя. — Большевики продали ограбленѣ церковнѣ скарбы жиdam въ Амстердамѣ за 6 міліоновъ долларовъ. — Въ Пруссіѣ выбрали за министер-президента вожда каѳолицкої партії: д-ра Marx-a. — Въ Литвѣ же 1.500.000 каѳоликовъ; они составляютъ 85%, всего населенія. — Бывшій меѳодійскій місіонаръ им. Ксаверь Фармеръ ставъ каѳоликомъ и ступивъ въ чинъ Іезуитовъ.

„Пяницямъ на закуску“. Подъ симъ титуломъ дуже смачну книжочку написавъ оденъ нашъ священикъ противъ паленки. Можно еѣ достати за 50 гел. въ книготорговлѣ „Уніо“ Ужгородъ, площа Корятовича ч. 10.

СОДЕРЖАНИЕ:

Постъ. — „Прійдите поклонимся Господу Іисусу въ Пресв. Евхаристії.“ — ВЪРА. Церковь Христова. — Пекельный куколь и здоровое зерно. — БЕСѢДА. Отрубана и уздоровлена рука. — Якъ я вытврелився изъ шизматицкого блуду. — Пастырь ци злодѣй и разбойникъ? — Изъ шизматицкого раю. — ДОПИСИ. — НОВОСТИ. — КОРОТКИ ВѢСТИ.

Фабрика е модерно пристроена, з найлѣпшими машинами, такъ что изъ неї вийдуть лишь перворяднѣ звоны. Сю руську інституцію допоручаєме въ увагу нашихъ церковныхъ громадъ.

— **Отпустъ въ Чорномъ Ардовѣ.** Римскій Отець благоизволивъ повный отпустъ удѣлити тымъ вѣрникамъ, котрѣ на праздникъ Вознесенія Христа посещаютъ церковь Чорноардовску и тамъ высповѣдаються, но причащаються и на намѣренія Святѣйшаго Отца одмоляться 5 разъ Отче нашъ и Богородице Дѣво.